

ETH CATALAN ENA ESPANHA PLURILINGUA

Eth 41% des ciutadans espanhòus viu en territòris damb dues lengües oficials

En Espanha i a 16,3 milions de persones que viu en territòris damb mès d'ua lengua oficiala. Açò represente eth 41% dera poblacion totau der Estat. Se tracte des territòris des comunitats autonòmes de Catalonha, es Isles Balears, era Comunitat Valenciana, Galícia, País Basc e Navarra (guardatz taula 6).

Que cau tanben nomenar dus territòris mès, damb 2,3 milions d'abitants, a on se parlen lengües diferents deth castelhan que non an arrenhut pas era oficialitat enes respectius estatuts d'autonomia. Son Aragon (a on se parle eth catalan e er aragonés) e Astúries, a on se parle er asturian. En Catalonha, ath delà deth catalan, er Estatut reconeish er aranés, modalitat dera lengua occitana pròpria dera Val d'Aran, a on a era consideracion d'oficiala.

Eth 27,5% des ciutadans espanhòus viu en territòris a on eth catalan ei lengua oficiala

Dues de cada tres d'aguestes persones, ei a díder, 10,8 milions demoren enes tres territòris a on eth catalan, damb aquest nòm o damb eth nòm de valencian, ei lengua oficiala, çò que represente eth 27,5% dera poblacion espanhòla. Ei a díder, un de cada tres ciutadans o ciutadanes der Estat espanhòu.


Damb mès deth 46% des ciutadans que demoren en territòris damb ua auta lengua qu'eth castelhan, Espanha qu'ei, dempús de Belgica e Luxemborg, er estat dera Union Europèa a on eth fenomen deth plurilingüisme a mès importància, de sòrta que, luenh d'èster un hèt anecdotic en Estat lèu ne constituís un trèt essenciau.

Per aquest motiu, er article 3 dera Constitucion, dempús de declarar qu'*Eth castelhan ei era lengua espanhòla oficiala der Estat e que, coma lengua oficiala, Toti es espanhòus an eth déuer de coneisher-la e eth dret de tier-la*, ditz qu'*Es autes lengües espanhòles seràn tanben oficials enes respectives comunitats autonòmes cossent damb es sòns estatuts*. D'un aute costat, eth madeish article dispause qu'*Era riquesa des diuèrses modalitats lingüistiques d'Espanha ei un patrimòni culturau que serà objècte d'especiala respècte e proteccion*.

Taula 6. Comunitats autonòmes enes quaus i a mès d'ua lengua oficiala

COMUNITAT AUTONÒMA	POBLACION	% RESPÈCTE D'ESPANHA
Catalogne	6 147 610	15,4
Catalonha	6.147.610	15,4
Isles Balears	796.483	2,0
Comunitat Valenciana	4.023.441	10,1
Galícia	2.724.544	6,8
País Basc	2.098.628	5,3
Navarra	530.819	1,3
Totau	16.321.525	40,9

HÒNT: INE. 1998.



Eth catalan en Estat espanyòl

Hònt: INE.